

## **MIPA MINU MASA LE MIPA MINU NIHNA**

a) Mipa masa Adam Edenhuan sungah nakpitak ihmutsakna thuak hi (Piancil 2:21).

b) Mipa nihna ahi Topa Jesu in singlamteh tungah nakpitak ihmu hi (John 19: 30, Lk 23:46).

a) Minu masa Eve in Mipa masa Adam ii pangpan hong piangkha hi (Piancil 2:21-22).

b) Minu nihna ahi Maria in Mipa nihna a hi, Jesu Topa hongsuakkhia sak hi (Mt 1:16).

a) Eve in dawimangpa ii kammal hangin Pasion tawh pumkhat ahihna nusia in, Pasion omlo nuntakna sungah hongpai kha hi (Piancil 3:4-6).

b) Minu nihna ahi Maria in, Pasion kammal za in anuntakna ah, Pasion tawh nuntakkhawmna'ng upna tawh nasang hi (Lk 1:35,38).

a) Pasion piakkhong ahi, thupha adim nuntakna pen Minu masa Eve hangin hong kisia in, hong bei mangta hi (Piancil 3: 5-7).

b) Pasion nuntakna leh, Pasion thupha te Minu nihna ahi, Maria hangin i ngahkik hi (Lk 1:31-33).

a) Minu masa hangin Pasion nuntakna leh, Pasion piak thupha khempeuh i tan hi (Piancil 3:17).

b) Minu nihna ahi, Maria hangin, Pasion nuntak na leh, Pasion piak thuphakhempeuh i ngahkik hi (Cf. Lk 1:31-33).

a) Mipa minu masa ahi, Adam le Eve te in, Pasion itna huanpan hawlkhiatna thuak uhhi (Piancil 3: 23-24).

b) Mipa minu nihna ahi, Jesu Topa le anu Maria, hangin, leitungin Pasion itna adimna Eden huanthak hongsuakkik hi. Pasion pen eite tawh hongomkhawm sakkik uhhi (Mt 1: 23).

a) Mipa minu masa te kipawlina, kilungtuakna in eite khem peuh samsiatna le mawhna thaman ahi sihna gamh hong ngah sak hi (Piancil 3: 17-19).

b) Mipa minu nihna te kipumkhat a, nasepkhopna in, leitung khempeuh hotkhatna sungah honglutpihkik in, thupha gamh luhza hongngah sakkik hi (1John 3:8).

a)Minu masa Eve in mawhna sungah anungta mikhempeuh te nu hongsuak hi (Rom 5:17).

b) Minu nihna Maria in, thupha sungah anungta mikhempeuhte' nu hongsuak hi (Lk 1:48).

a) Eve in Adam mawhna sungah asi mikhempeuh te' nu ahihi (Rom 5: 12,14).

b) Maria in Jesu Christu hanga, nuntakna thak sungah anungta mite ii nu ahihi (John 19: 26-27, Rom 5:12).

a) Eve in Pasion thu amanglo mawhna sungah anungta mite i nu ahihi (Rom 5:19).

b) Maria in, Pasion um in, kiniamkhatna tawh athu aza angai mite ii nu ahihi (Rom 5:19, Lk 1:38).

a) Eve in Pasion amuang zolo, a umzolo te ii nu ahihi (Piancil 3:4-7).

b) Maria in Pasion a um, amuang mite ii nu ahi hi (Lk 1:45, 11: 28, Rom 5: 20-22).

a) Eve in Dawimangpa khutnuai a anungta mite ii nu ahihi (Piancil 2: 17).

b) Maria in Christu Jesu khutnuai a anungta mite ii nu ahihi (Gal 4:7,19).

a) Eve in Piancil na ii nu ahihi (Pian 3:20).

b) Maria in Christu hangin, puahtak(piansakkikna-new creation) na ii nu a hihi (Piancil 3:15, 1John 3:8, Efesa 2:10).

a) Mipa le Minu masa ahi Adam le Eve in mi khem peuhte Pasian' gal hongsuaksak in, samsiatna sungah hongnuntak pih hi (Piancil 2:17, Rom 2:12-14).

b) Mipa le Minu nihna ahi, Christu Jesu Topa le anu Maria in, eikhempeuh te Pasian tawh hongki lem sakkik in, amau te in, Pasian tawh i kilemna hongsuak uhhi (Efesa 2:13-17, Rom 5:10-11).

a) Minu masa Eve in samsiatna ngahnu ahihi (Piancil 3:17)

b) Minu nihna Maria in thupha ngahnu ahihi (Lk 1:48).

\* Minu nihna Maria in dawimangpa azo Numei suan le khak ahi, Jesu suan le khak hong khangkhia sak nu ahihi (Piancil 3:15, 1John 3:8)